

06/06/2001

Arroyo sah hadiri kongres ekonomi

KUALA LUMPUR, Selasa - Presiden Filipina, Gloria Macapagal Arroyo mengesahkan penyertaan dalam kongres Pembangunan Ekonomi Dunia ke-10 yang akan diadakan di sini dari 27 hingga 29 Jun ini.

Pembabitan Presiden Filipina itu menerusi siaran langsung dari Manila ke Pusat Dagangan Dunia Putra (PWTC) menggunakan satelit.

Selain Arroyo, 50 pemimpin sektor kerajaan dan swasta akan turut serta di kongres antarabangsa itu.

Pengarah Kongres, Jamal Nasir yang juga Pengarah Urusan EcoEvent Sdn Bhd (EcoEvent), berkata kongres yang pertama kali diadakan di negara Asia, dipilih berdasarkan kepesatan pembangunannya.

"Kongres Pembangunan Ekonomi Dunia ke-10 di PWTC dijangka dirasmikan Perdana Menteri, Datuk Seri Dr Mahathir Mohamad," katanya dalam satu kenyataan, hari ini.

Acara anjuran Kongres Sedunia di New York dengan kerjasama EcoEvent di Malaysia.

(END)